



4<sup>th</sup>  
Meierokki

de Titi Livi Patav. fide.



De

Testimoniorum

T. Livii Patavini

fide

differit

I. H. L. Meierotto.

---

---

BEROLINI,

typis & sumptibus I. C. F. RELLSTAB, & in Commissis NAUCKII.

MDCXCXVII.





Candorem, nisi me omnia fallunt, Livius eo nobis probaverat, quod in historia sua, quantum civis Rom. id posset, verum dicere fuisset ausus; quod ne quam gratiæ suspicionem, ne quam simultatis manifestasset. Jam videamus, num fidem illam historicam præstare potuerit & voluerit, *ne quid falsi dicere videatur ausus*.

Quæ adjumenta in consignanda historia habuerit, quomodo iis sit usus, & quid inde effectum videatur, hæc quæstiones me jam occupatum tenebunt.

Primi adjumenti loco recte ponemus quæcunque ante eum de rebus Romanorum literis fuerant mandata. Bene multa volumina illi conquirenda evolvenda fuisse, jam ante rem exquisitam suspicabimur, quum omnia per sæcula urbis conditiæ civium interfuerit, rerum domi constitutarum & foris gestarum memoriam ad posteros transmitti; Quumque item plura per sæcula jam multi cives & exteri in eo navaverint operam, ut ne quid memoratu digni non literis consignaretur. Enumerandi igitur sunt annales, librique prisci, enumerandi etiam varii au-

A

stores,

Annales  
veteres.

ctores, qui ante Livium res Romanas scripserunt. Neque vero hic memorabimus, quæ aliunde de his antiquioribus libris sci-  
mus, sed solum illos ita describimus, quales Livius nobis pin-  
git: ita ut non qualemcumque illorum notitiam nobis unde-  
cunque haustam comparemus; verum Livii iudicium de illis,  
quale fuit, explicare studeamus. Modo enim Livii de illis iudi-  
cium, tacitum quasi ex ratione, qua illis utitur, dispicimus;  
modo verbis clavis redditum legimus.

Libri linteï.

*Libros linteos*, quos & *libros magistratuum* vocat, neque in-  
spexit ipsos, neque exemplum eorum manu alius cujusquam de-  
scriptum ante oculos habuit; periisse enim videntur, non qui-  
dem incendio urbis per Gallos, nam diu post, quin ad tem-  
pora belli Punici tertii deductam illic seriem magistratuum po-  
tuisse reperiri constat. \*)

Licinius vero Macer quum illos in æde Monetz repo-  
sitos invenisset, \*\*) vel solus, vel accuratius aliis illos aucto-  
res, præcipue in magistratibus ad suos quosque annos referen-  
dis, adhibuit. Quæ igitur a Livio ex linteis libris referuntur,  
non ex ipsis hausta a Livio putes, verum ex Licinio. Neque an  
aliud quid, præter annos & nomina magistratuum, obtulerint  
Licinio, Livius indicat; neque ubi neglecti post Licinium ite-  
rum latuerint ex Livio patet. Auctoritas eorum vero in his ip-  
sis annis & nominibus non ita gravis visa fuit, quin ad aliorum  
scriptorum auctoritatem, \*\*\*) ad fœdera quæ exstabant,  
revocare, eamque ex iis confirmare vel dissolvere necesse habue-  
rint & Licinius & Livius. †) Nisi dicere sustineas, post Punicum  
tertium bellum auctorem illum vixisse & linteo pro alia mate-  
ria perperam usum esse, non est quod *unum* eorum aucto-  
rem perhibeas. A pluribus continuati, & quoniam initium  
iis redigendis antiquissimo ævo factum fuerat, ut antiquitate  
sanctiores,

\*) l. 39. c. 52.

\*\*) l. 4. c. 7.

\*\*\*) l. 4. c. 20.

†) l. 4. c. 13. l. 39. c. 52.

sanctiores, ut loci sanctitate etiam fide digniores viderentur, in eadem aliquam, quasi quæ tabulæ priscæ simul & publicæ repositi sine dubio fuerunt.

Quos alios *annales* Livius laudat, id quod circa res antiquas sapissime facit, eos non *annales istos maximos* fuisse putes, quos conscriptos & continuatos quotannis a Pontifice æquales Livii vel paullo majores vel exstantes viderant, vel brevi ante existisse perhibent. Est quod putes, ea quæ de mortibus Pontificum & sacerdotum, utut quibusvis Consulibus acciderunt, memorat, hinc tacite esse desumpta. Mirum vero ceterum videtur, Livium hanc quasi sanctissimam rerum Romanarum, præcipue domesticarum memoriam non adhibuisse; sed non mirum magis quam verum est, illos in libris nobis servatis ne semel quidem esse laudatos. Neque est, quod dicas, hos fuisse significatos a nostro; quoties nullo alio indicio adjectos *annales* laudat. Nam quis ferat auctorem, qui certo & suo nomine insignitos & omnibus notos libros citet, & communi quodam & ad multos pertinente titulo complexus scribat: in *priscis annalibus* invenio, \*) in *quibusdam annalibus* invenio? \*\*) Neque unquam horum, quicumque fuerint, a quocunque designati, annalium auctoritatem præfert iis testimoniis, quæ a certis quibusdam, quæ ab ullo auctore profecta essent. \*\*\*) Auctores porro notos nonnunquam aperte fide digniores annalibus sic dictis perhibet. †) *Annales* tandem post sæculum ab urbe condita sextum citare desierunt, nam, post Punicum secundum bellum, nulla eorum in libris nobis relictis fit mentio. Ut rem, qualem ego mihi fingo, hic exponam: *Annales* nostro non nisi libri, qui hoc nomine inscripti exstant, audiunt; neque prorsus diversi sunt ab auctoribus notis, quorum modo nomina reddit, & quos item nullo alio nomine addito auctores vocat. Non nostro vero more, qui per certiora vestigia

*Annales.*

A 2

lectorem

\*) l. 4. c. 7.

\*\*) l. 3. c. 8. l. 7. c. 18. l. 8. c. 30. l. 10. c. 17. l. 23. c. 6.

\*\*\*) l. 8. c. 30. l. 10. c. 17. 18.

†) l. 23. c. 6.



lectorem ducere amamus, neque in libri principio neque ullibi quos annales dicere, quos auctorum nomine designare velit, proficitur. Verum si accurate scribit, annales tum vocat, & ab auctoribus distinguit, quum non nisi annum & ductum rei in genere indicaverat scriptor: auctores vero, fuerint annalium, vel narrationis cujusdam separatæ auctores, tum eosdem vel alios vocat, si gentis cujusdam Romanæ specialem memoriam, vel viri alicujus laudem erant professi;\*) si præterea non fat rationis videt, cur relationem relationi præferat.\*\*\*) Quas quum diversas invenit, ipse in suspensio relinquit rem;\*\*\*)) in quo non dissentiant, id pro certo habet; sunt inter illos quos fide digniores putat, neque vero eorum nomina edere tanti habet.\*\*\*\*)) Nullum æqualem rebus memorandis exstare, in memorando bellum Samniticum primum queritur;†) iterum Antiatum defectio nem memorans *certum affirmare* non audet, *quia nulla apud vetustiores scriptores ejus rei mentio* est.

Sunt tamen inter hos auctores, quos neque hic nomine quo addito modo *vetustiores* nominat ††) modo *antiquos*, †††) modo *antiquissimos*, quorum quum de qua re gesta auctoritatem refert, quum plures propioresque ætate eadem tradere perhibet, modo in tuto quasi sibi stare, modo eo ipso, quod nimis antiqui sint, in dubio sibi relinqui videtur. ††††). Neque vero hos ab iis, qui supra memorati sunt, diversos putes; sed tum tantum eorum nomina refert, quum quis fide insignitior & talis erat, cujus nomen laudatum testimonio pondus additurum videretur. a)

Q.

---

\*) l. 8. c. 40.

\*\*) l. 4. c. 26. l. 8. c. 30. l. 8. c. 40. l. 9. c. 37. l. 10. c. 17.  
l. 10. c. 5. l. 10. c. 26. l. 26. c. 6.

\*\*\*)) l. 4. c. 55.

\*\*\*\*)) l. 8. c. 26.

†) l. 8. c. 40. l. 3. c. 23.

††) l. 3. c. 23.

†††) l. 7. c. 42.

††††) l. 8. c. 26. l. 2. c. 21. l. 25. c. 11.

a) l. 23. c. 6. *Cæliusque & alii* id haud sine causa prætermiserant scriptores.

*Q. Tubero* libros linteos inspexit, & sæpe laudavit; \*) *Q. Tubero*.  
 quum vero discrepantiam eorum a scriptoribus antiquis obser-  
 varit, non semper illuc inclinavit, quo isti magistratuum libri  
 vocarent, & in ipso eorum haud dubio assensu ipse tamen incer-  
 tus veri mansit.

*Licinius Macer*, nisi quando familiarum suarum laudem adstrue-  
 re, \*\*) & ideo *Liciniis* ea tribuere voluerat, quæ alii perpetra-  
 verant, satis gravis *Livio* auctor est visus. \*\*\*) Ideo vero gra-  
 vissimus, quod non tantum foederum quoque tempore ictorum  
 exempla consuluerat, \*\*\*\*) sed & magistratuum libros, in  
 æde *Monetæ* repositos, linteosque appellatos ipse inspexerat. \*\*\*\*)

*Licinius  
Macer.*

Hos non tantum sæpe laudaverat, sed & in varietate alio-  
 rum testimoniorum illos haud dubie sequi constituerat. †) Ne-  
 que ideo crediderim, *Licinium Macrum*, non nisi quater, a *Livio*  
 auctorem fuisse adhibitum. Verum ubi linteorum librorum me-  
 moriam injicit, ibi, etiamsi nullum ejus nomen, qui eos inspe-  
 xerit, addidisse reperitur, tamen vel *Licinium Macrum*, vel *Q.*  
*Tuberonem* ante oculos habuisse perhibuerim. Videtur vero  
*Licinii Macri* narratio, intra prima quatuor sæcula urbis condi-  
 tæ substituisse.

Nescio an *Fabium Pictorem* ideo sit sequutus *Livius*, quia  
 auctoritas illius, qui & *Prætor*, & *Flamen Quirinalis* fuerat, gra-  
 vior est visa. ††)

*Fabius  
Pictor.*

Certe tum sæpius data opera eum maxime respexit, ubi-  
 cunque sine varietate testium & auctorum naturalem ductum rei  
 gestæ ex antiquitate eo remotiori repetitum exponit, quod ne-  
 minem nominat. Habet enim eum in antiquissimis †††) scripto-  
 ribus,

\*) l. 4. c. 23.

\*\*) l. 7. c. 9.

\*\*\*) l. 4. c. 7.

\*\*\*\*) l. 4. c. 20.

†) l. 4. c. 23.

††) l. 37. c. 47. c. 50. c. 52.

†††) l. 1. c. 44. l. 2. c. 33.

ribus, quem præ aliis sequi amet. *Credit ei* potius, quam Pisoni antiquitate ceterum proximo; \*) nam præterquam quod antiquior est, probabiliora etiam sunt, quæ refert. Et si quando in rebus gestis referendis alibi reperta *ex vano hausta, quo nimis inclinant ferme scribentium animi*, vitare vult, tum Fabium, dum æqualem eum testem citare potest, *potissimum auctorem habet.* \*\*) Inde a primordiis Romæ usque ad medium bellum Punicum secundum illum testem vel auctorem habuit, raro vero nominavit.

Piso.

*Piso antiquus auctor, quippe quo Fabius Pictor omnium antiquissimus modo antiquior fuerit, \*\*\*)* inde ab originibus ipsis ingressus res Romanas, ad belli Punici secundi finem certe videtur deduxisse. \*\*\*\*)

In rebus bellicis auctorem eum Livius semel nomine addito appellavit, ubi prodigiis quidem ut alii ejusdem ævi, etiam quum natura vel probabilitas omnis contradiceret, indulgisse eum indicat, ceterum circa gloriam bellicam Romanorum augendam longe aliis auctoribus modestior apparet, quippe qui unus numerum cæsorum hostium ad verum deduxerit. †) In rebus urbanis contra magnificentiam & divitias Romæ præter verisimilitudinem, & contra aliorum testimonia extulisse videtur. ††) In constituendis magistratibus, & quosque suis annis assignandis ita negligens fuit, ut Livius nesciat, *memoriane* eum fugerit in annalibus digerendis, *an consulte* binos consules, falsos ratus, transcenderit. †††)

L. Cælius.

*L. Cælius* quoque non nisi ut auctorem rerum, per bellum Punicum secundum & brevi post, gestarum laudat Livius. In rebus per primos ejus belli annos gestis eum non semel refutat; ††††) quippe qui in rebus forsitan a virili ætate remotioribus, non satis fidus,

\*) l. 1. c. 45.

\*\*) l. 22. c. 7.

\*\*\*) l. 1. c. 45.

\*\*\*\*) l. 25. c. 39.

†) l. 25. c. 39.

††) l. 1. c. 45.

†††) l. 2. c. 58. l. 9. c. 44. cf. & l. 2. c. 32.

††††) l. 21. c. 38. l. 21. c. 46.

fidus, neque in regionum situ naturave fluminum considerandis satis accuratus fuerit. \*) In rebus quoque ex natura hominum & temporum conjiciendis & constituendis non satis sagax & acutus, \*\*) idem vero etiam extraordinaria, rara captans ad exitus mirandos non tantum, sed & horrendos referendos propensior visus. \*\*\*) In rebus contra, quæ Caelio jam viro facto acciderunt, illum potius sequitur, & tum eum varios ductus & ordines rerum gestarum, quales fama servaverat, inter se comparasse, vestigia rerum gestarum & per regiones & locos sparsa accuratius aliis investigasse perhibet. \*\*\*\*)

*L. Cincius Alimentus*, miles primis belli Punici secundi annis interfuit, captus ab Hannibale, †) castra & agmen ejus, quum in Italiam descenderet, vidit; inque aliquo apud Hannibalem honore fuisse, antequam pugnam Cannensem, post quam nulla redemptio captivorum locum habuit, liberatus esse videtur, & Romæ honores adeptus. ††)

L. Cincius  
Alimentus.

Num præter Punicum bellum aliam rerum Romanarum partem attigerit; ex Livio saltem non clarum fit. Testis ceterum fide dignissimus videtur fuisse habitus, sicuti in reddendis numeris medium & moderatum se ostendit; ipsumque Livium maxime præ aliis omnibus ut sibi assentiret moturus fuisse videtur, nisi accuratam nonnunquam diligentiam desiderari esset passus. †††)

*Valerius Antias*, quamquam ut auctor rerum gestarum non ante annum u. c. 290. ††††) a Livio memoretur, tamen inde ab initio res Romanas ingressus est, teste Livio certe historiari

Valerius  
Antias.

B 2

ad

l. 21. c. 47.

\*\*) l. 22. c. 31. 32. l. 28. c. 46.

\*\*\*) l. 29. c. 27. c. 35. præcipue c. 25.

\*\*\*\*) l. 26. c. 11. l. 23. c. 6. l. 27. c. 27.

†) l. 21. c. 38.

††) l. 27. c. 29.

†††) l. 22. c. 38.

††††) l. 3. c. 5.

ad annum 583, adque bellum cum Perseo Macedone fere deduxit. \*)

Vel in rebus vetustissimis, & ipsa antiquitate oblitteratis audet Antias non tantum pro certo res incertas affirmare; \*\*) sed subtiliter etiam exsequitur fingendo numerum, quem nullibi reperire potuerat. Opiniones pervulgatas, quam parum excussas habuerit, quam palam falsas quisque alius duxerit, quin rumores vanos, & a nemine memoratos, cæca vel accommodata mendacio probabili fide sequitur. Taliaque sine discrimine rebus gestis innectit. \*\*\*) Plura, quam quæ alii repererant, vidisse, acutior in exquirendo fuisse ipse videri velit. \*\*\*\*)

In numero cæcorum hostium, in capta præda, in momentis rerum supra veritatem & naturam augendis ita immodicus est, ut gravissimam Livii reprehensionem incurrat: „In numero scriptori parum fidei sit; (quia in augendo eo non alius intemperantior est.) \*\*\*\*\*) Uti semel Acilianis, quippe Græcis, annalibus in referendo numero castior fuerat repertus; †) sic alias Pisonem, Fabium, Catonem, Polybium, ††) omnesque alios Romanarum rerum auctores ita augendo numeros post se relinquit, ut generi humano illius ficta sanguinolentia innumeris myriadibus constare potuisse videatur.

Captorum a Romanis hostium dignitatem & gravitatem, idem & civium apud hostes captorum; immo civium ob scelera dannatorum numerum augere amat. †††) Si prædæ, si signorum & armorum & tormentorum hosti ereptorum numerus est

re-

\*) l. 39. c. 56. l. 41. c. 32.

\*\*) l. 3. c. 5.

\*\*\*). l. 37. c. 48.

\*\*\*\*) Libros Numæ, a nemine mortalium forsan visos, Pythagoricos fuisse contra probabilitatem & nulla ævi istius habita ratione perhibet.

\*\*\*\*\*) l. 36. c. 38.

†) l. 25. c. 39.

††) l. 34. c. 15. l. 26. c. 49. l. 33. c. 36. l. 34. c. 10. l. 46. c. 19.

†††) l. 26. c. 49. l. 29. c. 35. l. 33. c. 36. l. 37. c. 60.

l. 39. c. 41.

referendus; si vectigalium hosti victo impositorum ratio reddenda est; \*) si dona a Romanis data magnificentiora fingi possunt \*\*) ipse *in omnium rerum numerum augendo* adeo immodicus est, ut & optimum quemque Romanum; certe Livium piguerit.

Qui in una urbe, eaque non maxima, tormentorum majorum unius generis tredecim millia a Romanis capta memorare potuit; nonne quisque lector, vel Livio tacente, ex suo sensu epiphonematis loco huic narratori adclamaverit, *rem impudenter sane fictam!* adeo nullus mentiendi modus est. \*\*\*)

Numeris quam maximis fusque deque usum esse, id illi res admiratione dignas sermone forsân grandiori extulisse visum fuit: talibusque vel nulla alia arte accedente lectorum animos retentum iri putavit. Argenti quadringenta octoginta pondo interverti a privato potuisse, id illi adeo non multum videtur, ut sex millia pondo auri ob pacem commodiorem a rege quodam eidem civi datum affingat. Quod Livius tamen mendo librarii, quam mendacio auctoris assignare mavult. \*\*\*\*) Malevolentior tamen omnino, atque in viros ceterum probatos invidiosior fuisse videtur. \*\*\*\*\*)

Negligens præterea erat, ut qui neque librorum magistratuum inspiciendorum, nec annorum seriei ineundæ rationem habuerit; †) neque vero testimonia illa, quæ in orationibus in ipso temporis momento habitis adhuc exstabant, inspexisse tanti esse duxit. ††)

Neminem tamen scriptorum Romanorum fere sæpius laudavit Livius. Neque id solum refellendi, & factorum contra ejus auctoritatem restituendorum causa id fecit. Sed sæpe etiam, si

om-

\*) l. 28. c. 46. l. 33. c. 29.

\*\*) ibid. & l. 33. c. 10.

\*\*\*) l. 33. c. 19. l. 26. c. 49. l. 38. c. 23.

\*\*\*\*) l. 38. c. 56.

\*\*\*\*\*) l. 44. c. 13.

†) l. 39. c. 52. l. 39. c. 56.

††) l. 39. c. 42.

omnis alia auctoritas de facto quodam deerat, \*) in hoc tamen, forsan in rebus summatim recensendis accuratiore auctore, quid sequeretur habuisse videtur Livius.

Clodius           *Claudius* in rebus antiquioribus referendis plurium aliorum auctorum, quibus Livius potius fidem haber, testimoniis refutatur. \*\*)

In rebus per bellum Punicum secundum & postea gestis *annales* vel *libros Græcos Acilianos*, quos item ex Græco in Latinum sermonem vertit, sequitur. Et tum Græcorum more aliis indicta, \*\*\*) si modo faceta fuerint †) cupide confectatur, magnitudinem rerum, numerumque simul caſorum, captorum, prædæque in immensum auget. ††)

Quum Livius semel tantum †††) *Clodium Licinium* laudet, ejusque *librum tertium rerum Romanarum* excitet, quumque præterea talia sub hoc nomine referat, quæ cum isto Claudio conveniant, iis qui Licinium modo Clodium modo Claudium esse dictum volunt, equidem assentio.

M. Porcius       *Cato* non tantum scriptor luculentus rerum a se gestarum, non tantum laudator virorum simul & morum priscorum fuerat, sed & actor rerum commemoratione dignissimarum.

Idem per longam ætatem tam multa viderat; quæcumque viderat, quæ erat ejus sagacitas & perspicacia, cum suis quæque causis, quam rectissime & commodissime literis consignare potuerat; quique amor ejus veri & honesti erat, quam verissime ad posteros tradere voluerat.

Quid

\*) l. 34. c. 10. l. 36. c. 36. l. 39. c. 22. l. 36. c. 38. ubi in numero scriptori parum fidei sit, magnam victoriam fuisse apparet. Quid? quod l. 36. c. 40. P. Cornelium Nasica suam victoriam laudantem in senatu, dicentem inducit Livius, plus partem dimidiam ex quinquaginta millibus hominum caſam, quod accurate cum numero a Valerio relate convenit.

\*\*) l. 6. c. 42.

\*\*\*) l. 38. c. 41.

†) *anecdota*.

††) l. 25. c. 29. l. 35. c. 14. l. 38. c. 23. l. 29. c. 28.

†††) l. 29. c. 52.

Quid vero nos de viro pluribus dicamus, quem Livius his verbis laudat? \*)

„Sed omneis patricios plebelosque nobilissimarum familiarum M. Porcius longe anteibat, in hoc viro tanta vis animi ingenique fuit, ut, quocumque loco natus esset, fortunam sibi ipse facturus fuisse videretur. Nulla ars, neque privata, neque publica rei gerenda, ei defuit. Urbanas rusticasque res callebat. Ad summos honores alios scientia juris, alios eloquentia, alios gloria militaris provexit, huic versatile ingenium sic pariter ad omnia fuit, ut natum ad id unum diceres, quodcumque ageret. In bello manu fortissimus, multisque insignibus clarus pugnans, idem posteaquam ad magnos honores pervenit, summus imperator: idem in pace, si jus consuleres, peritissimus; si causa oranda esset, eloquentissimus, nec is tantum, cuius lingua vivo eo vigerit, monumentum eloquentiae nullum extet: vivit imo, vigetque eloquentia ejus, sacra scriptis omnis generis. Orationes & pro se multae, & pro aliis, & in alios, nam non solum accusando, sed etiam causam dicendo fatigavit inimicos. Simultates nimio plures & exercuerunt eum, & ipse exercuit eas, nec facile dixeris, utrum magis prefferit eum nobilitas, an ille agitaverit nobilitatem. Asperi procul dubio animi, & linguae acerbae & immodice liberae fuit: sed invicti a cupiditatibus animi, & rigidae innocentiae; contemtor gratiae, divitiarum. In parafmonia, in patientia laboris periculique, ferrei prope corporis animique, quem ne senectus quidem, quae solvit omnia, fregerit. Qui sextum & octogesimum annum agens causam dixerit, ipse pro se oraverit, scripseritque: nonagesimo annum Servium Galbam ad populi adduxit indicium.„

Hic Cato igitur non tantum mores sui avi in bene multis scriptis pinxerat; non tantum in tot orationibus leges, mores, viros, resque quibus interfuerat per tam extantum aevum, dederat descripta. Idem quoque in *originibus suis* mores aureos priscorum virorum, gentium Romanarum nobilitatem & anti-

---

\*) l. 39. c. 40.



quitatem deduxerat, opusque dederat, quod Cicero sexcentis laudat, & unde quam plurima facta in exemplorum priscorum expositionem, quam plurima momenta in oratoriarum artis historiam transfert.

Uterque & Cicero & Livius laudationes & priscas & recentiores, quales in laudem nobilitatis a gentilibus multis per omnia sæcula fuerant habitæ & asservatæ, posthabent aliis scriptis & monumentis. Tam ambiciosum, & mendacii plenum laudandi & ornandi sua quæque prodiderant studium. Qui fons hic videtur Livio apertus fuisse, ut quæ turbata & infecta quasi ex laudationibus haurire eum pigeret, pura, parata cum omnium assensu ex originibus hauriret, & in sua culta immitteret! Et ne semel quidem originum mentionem injecisse videmus; tacitusne illa unquam adhibuerit, ignoramus.

Litteris præterea mandavit Cato res a se ipso gestas. Catonis expeditionem in Hispaniam Livius breviter quidem, sic tamen enarrat, ut qui argumentum hoc cum singulari studio vel elegerit vel tractaverit. In hac ipsa expositione tamen & alios auctores præter Catonem audit, semel tantum, neque postea iterum ipsum actorem & narratorem rerum suarum laudat. Et tum adhuc addit: „Cato ipse, haud sane detractor laudum suarum, multos cæcos ait; numerum non adscribit.“ \*)

Num magniloquentia Catonis Livium deterruisset, quominus veræ suæ & nativæ narrationi hæc alio spiritu prolata adderet!

At ego ne magniloquentiam quidem Catoni a Livio in verbis citatis objectam arbitror. Id modo noster designare voluisse videtur, Catonem honesti, & in factis & in dictis, perquam & plus quam ullius alius rei, fuisse studiosum. Cur vero is, qui virum hunc inter primos, quos Roma genuit, numeravit, non scripta, de quibus ipse magnifice judicat, ibi adhibet, ubi ducem talem invenisse, quam maxime desiderabile videretur? Cur, qui orationes ejus sedulo

con-

---

\*) l. 34. c. 15.

a se lectas significat, quique ex illis nonnunquam argumenta ad confirmandum aliquod factum desumit, \*) historica ejus opera adeo negligit, deque illis tantum non omnino silet? Illam equidem causam fuisse puto, quod Catonis libri in omnium vel Livii æqualium fere manibus erant, & quod qui in Catonis verba a Livio repetita incidissent, modo nimis discrepantia a Livianis illa reperturi fuissent; neque vero adeo deteriora, quin ad Catonem ipsum se referre & ipsa Catonis verba, utut prisco tamen admirabili quodam vetustatis colore distincta fuerint, præferre amarint.

*Q. Ennius*, qui Romanos, Latinasque literas amabat, nemo *Q. Ennius*. ignorare poterat. Neque Livius eum ignoravit; vindicavit potius illius memoriam ab oblivione, dum monumenti ejus, quod item monumentum pretii a principibus Romanorum illi tributi erat, alieno fere loco mentionem injicit. \*\*) Legit illum tam attente, ut præclare ab illo dictum aliquod & pronuntiatum, non modo repetat, sed & suum de *Q. Fabii Maximi* vera & unica gloria judicium *Ennii* judicio confirmet. \*\*\*) Facete dictum a poeta repetere salva sua dignitate potest. Sed cum, qui versibus fuerat usus, rei gestæ, quæ pedestrem sermonem desiderare videtur, testem & auctorem laudare, a Romanæ historiæ dignitate & severitate fere judicat alienum.

*Rutilium* circa rem, a. u. c. 569. gestam laudat, & testimonium illius de magistratus cujusdam vero anno cum testimoniis *Polybii*, & *Valerii* simul excitat, verum ex *P. Africani* aliqua oratione, *Rutilium* & cum eo utrumque præterea etiam erroris convincit. \*\*\*\*) Neque ejus, sub isto nomine saltem, unquam præterea meminit.

*Rutilius*.

Græ.

\*) l. 38. c. 54. l. 39. c. 42.

\*\*) l. 38. c. 56.

\*\*\*) l. 30. c. 16.

\*\*\*\*) l. 39. c. 52.

Græci  
scriptores.

Græcos scriptores nullos in commemoratione rerum antiquitus gestarum laudat. *Acilianos annales* ex omnibus primum, & præ omnibus accurate inspexisse videtur. Neque eos ipsos Græca, ut fuerant, lingua conceptos ante oculos habuit; verum ex versione Claudii. Eum enim, in expositione præliorum in Punico secundo bello ductu *L. Marcii* commissorum, *annales Acilianos ex Græco in Latinum sermonem vertisse* \*) indicat.

Addit quidem magnificam omnino Romanis armis expositionem Acilianam, sed cum ea modestiores Romanorum scriptorum relationes jungit; fidem Acilio non omnino denegat, dubia tamen sua adjungit. Jucunda & suavia quidem, relatu Acilius, ut Græcus, videtur sectatus esse, ideoque & ea, quæ forsitan Romani scriptores pro sua gravitate, vel pro annalium suorum seculo, ut sic dixerim, ingenio spreverint vel neglexerint, sæpe retulisse. \*\*) Nimis jucunda hæc Livius existimat, quam ut prætereat; non satis a Romanis auctoribus confirmata, ut pro veris asserat.

Legisse Græcos se & comparasse cum Latinis inde a Punico secundo bello, sæpe indicat Livius. An eundem Acilium sub illorum plurium nomine una comprehensum velit, an omnes præter unum adeo spernat Græcos, ut nomina eorum addere recte supersedere queat, non perspicuum. Ceterum bene multos eum legisse apparet. \*\*\*) Neque vero eos solum, qui de rebus in Græcia \*\*\*\*) gestis scripserant, inspexit; verum etiam de Romanis & viris & rebus agentes. †)

Unum tamen ex numero Græcorum auctorum, præ ignobilioribus quasi a nostro habitum, distinguit. *Polybium secuti*  
fit-

\*) l. 25. c. 29.

\*\*) Qualia nos *amicta* dicere amamus, exemplo fit: P. Scipionis cum Annibale colloquium.

\*\*\*) l. 32. c. 6.

\*\*\*\*) *Ceteri Græci Latinique auctores quorum quidem ego legi annales*, nihil memorabile a Villio actum tradunt.

†) l. 39. c. 50. de comparatione inter Philopœmenem, Annibalem & P. Scipionem instituta l. 32. c. 6. cf. & de navigatione P. Scipionis l. 29. c. 27. l. 39. c. 50.

*sumus, \*) non incertum auctorem, cum omnium Romanarum rerum, tum præcipue in Græcia gestarum. Rara sane & magnifica laus!*

A qua neque postea quid remittit; verum illum se sequi auctorem in rebus notioribus Græciæ, \*\*) quippe quæ vel in Græcia vel in Asia acciderant, nunquam negat. In rebus ad Romanos magistratus pertinentes, etiam si cum Romanis scriptoribus consensisse reperiatur, tamen suæ rationi potius adhæret, quam Polybii testimonio. \*\*\*) Ita ut in narratione de Annibalis in Italiam transgressu inter multorum auctorum nomina, ne Polybii quidem nomen memoret. Videtur quidem illum esse sequutus in constituendo dierum numero; in reliquis vero, etiam si ad nostrum sensum probabiliora afferat, locorum & regionum solum consideratione permotus, in alia omnia, diversaque a Polybianis abit.

Quum res Græcorum post primam cum Philippo factam pacem, quum Persei bellum refert, singulare quid Livii narratio habet. Primum accuratius longe vel in minutis rebus omnem rerum gestarum ordinem exhibet, qualis fere, in rebus quidem recentioribus, ex relatione Consulum & ducum desumtus non esse videtur. Deinde auctores, ex quibus quæque hausit, nominibus suis referre, solitisve quibusdam indiciis significare fere omnino desinit. Græcos igitur ibi sequutus videtur auctores. Neque ideo vero certiora quævis, & constantiora inter se testimonia ubicunque adducere potuit. \*\*\*\*)

Quem accuratissimum vidimus in eo, ut ad suos quæque auctores referat, nonne eundem negligentiorum fuisse reprehendimus, quum toties fama solum auctore se quid referre dicat? Famam admittimus in rebus recentibus, dum certus quidam auctor deest. Famæ, nesciebant cui fines omnes pervolanti, non-

Fama.

D 2

nun-

\*) in referendo prælio ad Cynoscephalas commissio l. 33. c. 10.

\*\*) l. 34. c. 50. l. 36. c. 19.

\*\*\* ) l. 39. c. 52.

\*\*\*\* ) l. 42. c. 66.

nunquam Romani crediderunt, exercitus suos in magno eoque externo bello fuisse victores; fama illis sæpe cladem acceptam adque eam reparandam arma esse paranda indicio fuerat, dum ii, qui rei gestæ interfuerant, fugaque Romam versus se seruant, latere voluissent; fama quoque, & vago rumore militum inde ex castris & provinciis perceptis, sæpe Patres conscripti fuerunt permoti, ut conviciis absentes duces lacerarent, utque hujus rei inquirendæ causâ legatos in rem præsentem excurrere juberent; quod in ipsâ P. Scipionis persona, dum in Siciliâ bellum contra Pœnos pararet, accidisse legimus. Quæ vero illa fama a testimonio omni vel æqualium vel posteriorum scriptorum, a vestigiis monumentorum prorsus secreta & distincta est, quam de rebus antiquissimis, & quorum omnia vestigia fuerant deleta, scriptor fide dignus memorat, cui multum tribuit, quam nonnunquam auctoritati annalium ipsorum præfert? \*) Et Livius tamen modo discessione in sacrum montem *famam frequentiore* aliquam, cujus nullum auctorem indicare poterat, fuisse prodit, quam eam *cujus Piso auctor est*; \*\*) modo *fama rerum standum esse* profitetur, *ubi certam derogat vetustas fidem*; modo *veram famam esse*; quæ de re aliqua gesta non nisi summum rei memorat; *pervulgatiorem* de eadem re gesta tamen illam vocat, quæ longe uberior omnem ordinem ejusdem rei gestæ tradiderat. \*\*\*)

*Duplicem modo famam non fuisse sed esse memorat, circa rem in Italia a magistratibus Romanis non quidem in pace, sed per otium tamen & domi quasi gestam, & tum varios auctores nullo tamen nomine addito varia tradidisse ait. †) Modo famam aperte fidei opponit.*

#### Fama

---

\*) Nullo vero crimine, nulla accusatione, ne conviciis quidem in senatu jactatis *Decimus* legatus tamen *captarum pecuniarum ab regibus Illyriorum suspitione infamis audit* l. 42. c. 45.

Ocavius Maximilius *si fama credimus*, ab Ulyssæ Deaque Circe oriundus l. 1. c. 40.

\*\*) l. 2. c. 32. c. 33.

\*\*\*\*) l. 25. c. 16. c. 17.

†) Horatius Cocles remi ausus *plus fama habituram ad posteros quam fidei* l. 2. c. 10. l. 29. c. 21.

*Fama* a Livio memorata, ut verbum ipsum poscit, utque verba Livii supra adducta volunt, est tamen separati quid a variis relationibus auctorum. Est aliquid, quod Romæ in mentibus civium plurimorum, quibuscum Livius communicabat, vel quorum saltem notitiam habuerat, obtinuisse videtur. Sit, ut pro suo quisque iudicio aliquem auctorem præ aliis fidem mereri constituerit, vel sit ut plures aliud quid fuerint sequuti. Forsan innuit ductum solitum quasi & solemnem rerum enarrandarum; commemorationem exemplorum, qualia per omne ævum in sententiis senatorum: \*) vel in concionibus, vel in edictis magistratuum fuerant ex antiquitate repetita, & sine ulla controversia æquis vel patientibus auribus fuerant accepta. Forsan erat aliqua gentium Romanarum quasi traditio oralis; ita ut gentes nonnullæ Romanæ, sicuti e. g. Catulorum gens singulari Latine loquendi facultate celebris erat, in dijudicandis rebus Romanis ita sagaces & fidi haberentur, ut ex iis illi, qui originis & fontes ipsos non amplius possent adire, repetere salva iudicii fama possent. Forsan quod etiam ex literatissimis sui ævi viris sermonem inferendo de his rebus gestis perquisivisse sibi erat visus, tum narrationi intexuit, neque tamen alio quo digniori, quam famæ testimonio nixum pronuntiare potuit.

Mirandum sane videtur, Livium in tam sublesta annalium & auctorum fide, quum quem unum, vel quos plures præ aliis sequeretur, non haberet, tamen animum induxisse, historiam perpetuam imperii & finium amplitudine & casuum varietate eximii ita pertexere, ut inde a primordiis ingrederetur, & per tot errores, per tantam obscuritatem ad sua tempora deduceret! Nusquam, ne in recentissimis quidem temporibus aliquid ab intenta cura, verum expiscandi, remittere se posse, jam ab initio prospiciebat. Nullibi igitur requies, ubivis sollicitudo, ut cui per ruinas, prisca sanctitate conspicuas vel per cineres verius, quos non sine metu tractes, incedendum esset, ubi, ne quid pretiosius,  
ne

---

\*) l. 23. c. 20.

ne quid sacri irrepertum relinqueret, omnia moliri eum oportebat. Prima vero moliendo & potiora ad speciem segregando, ne pretiosiora sanctioraque obrueret & obtegeret metus erat; Ingens igitur eum cura circumstabat, ne aliam longe, quam quæ re vera fuerat totius speciem ex partibus destructis, & disiectis, eve conjectura, sui forsan ævi experientia nixa, sibi fingeret.

Hæc reputantem detertere a conscribenda historia plura potuissent: erant tamen etiam quædam, quibus tuto niti sibi videretur. Suscepit enim onus; & quicquid molestiarum vitæ fere totius spatium ferre ac pati posset, huic uni rei tribuit. Quod quidem non fecisset, nisi dispexisset, se *hujus operæ facturum esse pretium*. Neque vero ea spes eum sustinuit; fore ut unquam id, quod fide sine exceptione dignum foret, inveniat; fore, ut *facile* id, quod verisimile quod multis probabile foret, constituat.

Contra per maximam totius operis partem sæpe, & ex intimo sensu confitetur, verum inveniri plane non posse.

Primum ipse periodum totam, neque illa brevis & circumscripta erat, eximit, quam non historiam, verum conjecturas continere profitetur. Initio igitur historię, quasi quo capite a reliquo corpore separato, truncam hac sua parte reliquam molem relinquit.

Per Livium igitur licet, quinque primos libros operis, quamquam magnæ, quis negat? industriæ, multarum lucubrationum fuerint fructus, eosdem vero ad fidem exiles & illi, qui certa sequitur, prorsus inanes considerare. Nescio, an ulla operis ejus parte tam ægre carere velimus; nescio an ulli alii parti plus ingenii non in inveniando, nam reddidit quæ reperire dabatur, sed in constituendo tribuerit? Verbis vincendo sane id, quod natura sua tenue, exile, & prisca antiquitate horridum erat, ita implevit, aluit, ornavit, ut nihil ejusmodi rerum majori voluptate unquam legisse fatearis. Totum est æquabile, aptum temporibus & rebus; ductus rerum gestarum est ita probabilis, & conveniens sensui cujusque, ut dum legis, nihil, ne dicam certius, congruum saltem magis nihil aliud legere memineris. Sed si circa quamque narrationis partem dubia movere, si prima,

si media, si extrema aliter accidere potuisse, aliter accidisse contendere vel calumniari velis, Livium sane non contradicentem, sed consistentem habebis disceptatorem. Res nulla cura & ope constituendas dicit, *quarum memoria vetustate abiit.* \*) *Tanti errores implicant temporum, aliter apud alios ordinatis magistratibus, ut nec qui consules secundum quosdam, nec quid quoque anno actum sit, in tanta vetustate, non rerum modo, sed etiam auctorum, digerere possis.* \*\*) Nulla præterea neque domesticæ neque extrinsecus gestæ rei memoria incidere potest, de qua dubitare nequeas. Neque id miseræ alicui & fictæ calumniæ obsequens, verum rationibus non plane nullis ductus. \*\*\*) Verum, ut una ejus confessione sæculorum trium priorum & dimidii causam prorsus cadere dicas, ipsum audias auctorem :

„Quæ ab condita urbe Roma ad captam eandem urbem Romani sub regibus primum, consulibus deinde ac dictatoribus decemvirisque ac tribunis consularibus gessere, foris bella, domi seditiones, quinque libris exposui; *res quum vetustate nimia obscuras*, veluti quæ magno ex intervallo loci vix cernuntur: tum quod *et rare per eadem tempora literæ fuere*, una custodia fidelis memoriæ rerum gestarum: & quod, *etiamsi quæ in commentariis pontificum*, aliisque publicis privatisque erant monumentis, incensa urbe pleræque interiire.“ \*\*\*\*)

Quid contra omnem historiæ fidem apertius certiusve dici potest? In iisne vero, quæ posthinc sequentur, certiora dispicere dabitur? Pergit omnino: *Clariora deinceps certioraque ab secunda origine, velut ab stirpibus letius, feraciusque renatæ urbis, gesta domi militiæque exponentur.*

Et re vera ex aliqua, verum ut fatear, parva parte certiora videbis, nequaquam vero ubivis. Nonne ipse paullo post in reddenda ratione, num quis locus in urbe ipsa aliquot sæculis

E 2

ante,

\*) l. 2. c. 4.

\*\*) l. 2. c. 21.

\*\*\*) l. 2. c. 41. & alibi.

\*\*\*\*) l. 6. c. 1.



ante, vel modo circa finem sæculi a. u. c. quarti nomen a facto nobilissimo traxerit, sibi parum constat? Candidam vero, simulque sollicitam confessionem, qua addit: *Cura non deefferet, si qua ad verum via inquirentem ferret: nunc fama rerum standum est, ubi certam derogat vetustas fidem.* \*)

Et sic etiam per omnem fere hanc periodum, de qua certiora & clariora auctor verus promiserat, passim confitendum est ipsi, *mirabile* quidem sed ideo non minus verum esse, *ambigi* de rebus, quæ certissima esse debuisse videantur, de summis magistratibus, de clarissimis victoriis, & *errorem*, in his ipsis momentis *aliud sequi errorem.* \*\*) Sic per Punicum secundum bellum de varietate auctorum in diversa abeuntium queritur, *quis pro certo affirmet? quam alibi* (alia omnia putes dicere) *inveniam!* \*\*\*) Similem ignorantiam veri non potest non, vel in rebus fama celebratissimis, confiteri. Quid expeditione P. Scipionis in Africam vel clarius, vel ad momentum omnis belli gravius? & tamen in diversitate maxima narrationum, quot copias trajecerit, *eos auctores*, qui *numerum suæ narrationi non adjecerint* circumspectos dicit, *inter quos me ipse in re dubia poni malim.* \*\*\*\*) Quid notatu dignius, quid porro monumentis, & conscriptione foederis magis notatum obvenire poterat, quam pax cum Carthaginiensibus? Et tamen ob varias de conditionibus relationes, de hac ipsa pace *parum convenire* ait noster. †) Quid spoliis, captæ prædæ, quantum captivorum per triumphum, studiis civium ipsorum celebratum, fuerit deductum; num dux hostium, & quidem, quod insigne decus triumpho addidisset, ex Pœnorum principibus quis, per Romæ ipsius vias fuerit tractus, id nostro nunquam ad liquidum iri deductum, fuit visum. ††)

In

---

\*) l. 7. c. 6. cf. l. 8. c. 40. *nec facile est aut rem rei, aut auctorem auctori præferre.*

\*\*) l. 9. c. 15.

\*\*\*) l. 27. c. 1. & c. 7. l. 26. c. 16.

\*\*\*\*) l. 29. c. 25.

†) l. 30. c. 16.

††) l. 32. c. 30.

In rebus contra Ligures vel Bojos gestis, contra quos toties in armis steterant Romani, ut proeliorum plane similitum, ejusdemque fere fortunæ memoria a variis auctoribus relata fuerit; indeque error multiplex irrepserit, facile tale quid accidisse suspicabimur, facilisque errori parata videtur venia. \*) Si vero in rebus per Græciam gestis, ubi raro tantum Romani confixerant, quæ res & nobilitate populorum, & narrationibus ipsorum Græcorum celebratissimæ fuerant, idem error obtinet; \*\*) nonne tum ipsum utrumque populum, & Græcum & Romanum fere nondum historix conscribendæ natos dicas?

Quid vero de historia Romana omni dicemus, quum vel error invictus, vel negligentia pudenda fata & exitus virorum quam maxime illustrium adeo obscurarit, ut nec Livii industria tenebras disjicere potuerit, nec ullius unquam sagacitas verum per caliginem adeo offusam unquam detectura videatur?

Sit, ut res procul ab urbe, & quasi intra præsidia hostium gestas, etiamsi viris cæterum clarissimis acciderint, æquo animo ignorari patiamur. Contenti simus scire, *Gracchum consulem in Lucanis ad campos, qui Veteres vocantur, periisse.* \*\*\*) Quomodo ceciderit, quid illi mortuo factum sit, id cum Livio utique ignorabimus. \*\*\*\*) Similis error obtinuerit in prisca civitate Romanorum circa Marcelli consulis mortem; †) idem teneat, per nos licet, omne ævum. Sic captum Africani majoris filium in præfidiis Antiochi regis, ubique pro Regis filio cultum fuisse credemus Livio, & iis, quibus ipse credidit. *Ubi & quando & quo casu captus sit* nos fallere sinamus, uti neque inter auctores a Livio inspectos, neque ipsi constitit. ††)

Res

---

\*) l. 33. c. 36. l. 34. c. 48.

\*\*) l. 32. c. 35. l. 34. c. 41. l. 39.

\*\*\*) l. 25. c. 16.

\*\*\*\*) Ibid. c. 17.

†) l. 27. c. 27.

††) l. 37. c. 34.

Res tamen notatu dignas, quæ personis illustribus, & temporibus jam literarum luce quam maxime illustratis acciderint, sic vel aliquorum auctorum neglectu, vel impudentia mentiendi aliorum adeo oblitteratas esse, mirantes fatebimur.

Quid vero dicemus, si idem error circa Q. Fabii Maximi magistratus & vitæ exitum vel optimos auctores tenuit? \*) Quid si de accusatione P. Scipionis Africani res nunquam ad liquidum deduci queat? \*\*\*) Quid si de exilio ejus; de morte, de monumento, in quo corpus mortui fuerit reconditum, Livium fateri oportet: *hec de tanto viro, quamquam & opinionibus, & monumentis literarum variarent, proponenda; erant?* \*\*\*)

Quid si auctorem, quo neminem alium sapius laudat Livius, orationes Catonis, ex quibus momenta temporum constitui poterant, quæque in omnium manibus erant, non lectas, sed fabulas sine auctore creditas, ejus gravitati substitutas fuisse, edat Livius? Quid si tantorum virorum vel vivorum commentariis, vel demortuorum laudationibus fidem vel non habendam, vel ab auctoribus non habitam fateatur? \*\*\*\*) Quid si Romam & quæ tum jam literis florebat, circa principes suos adeo incuriosam fuisse prodatur, ut hæc exponere nemo æqualium tanti duxerit; num unquam quid cæcius Romanis iis auctoribus, quos duces habebat Livius, vel ipsis civibus Romanis quid ingratus fuisse dicemus?

Fœderum  
tabulæ, li-  
teræ, de-  
creta sena-  
tus, rogationes.

Addas præterea, ea subsidia, quæ nostri rerum auctores in exoptatissimis ad conscribendam historiam habent, quibus potissimum fidem niti, narrationique auctoritatem accedere putant; quæque uno nomine *documenta rerum*, antiqui forsân *tabulas* dixerint, illa inquam subsidianos nescire, an magis Livio, quam Livius illis defuerit. Adeo rara fœderum ictorum concepta verba refert; adeo raram relationum vel decretorum Romani senatus memoriam injicit; adeo parcus in referendis ipsis lite-

\*) l. 30. c. 26.

\*\*) l. 38. c. 55.

\*\*\*) l. 38. c. 57. l. 39. c. 42.

\*\*\*\*) l. 2. c. 40.

literarum publice missarum verbis fuit, ut hæc solum respiciens sit fere quod dicas, eum non ductum tabularum sequi, historiam neque qualem illæ commonstrabant, formare; verum potius cunctam narrationem pro ingenio aptare, & ad formam, quam iudicii sagacitas illi commendaverat, vel quam Romanæ magnitudini debita quasi veneratio suaserat, accommodare. Longe æquius verum de illo iudicabimus, si quid tum homines ab auctore rerum repoposcerint, & scribi voluerint, consideraverimus. Oratorium opus omnes velle, & tenuitatem, quæ ex computo, rationibus subtiliter deducendis, quæ ex argumentatione critica prodit, spernere. Imaginem potius veris, si daretur, at vividis, ut qui maxime, coloribus expressam & perfectam; quam lineamenta sicca & subtiliter descripta desiderare. Horum quæsitæ voluptati aliqua ex parte non potuit non servire; minus vero illi tributum apparet, si propius spectaveris: quoties tamen fontes supra dictos adierit, in quemque usum inde hausta adhibuerit. Quam raro Romani scriptores ante Livium fœderum ipsa carmina inspexerint, & ipsa inde verba in sua transferre curarint, Valerius Antias exemplo sit. Quid testibus ipsis literis Romanis celebratius erat, quam pax primum cum Philippo Macedoniæ rege facta? Ea Græcum quasi orbem Romanis subiecit; ea reliquum omnem terrarum orbem aperuit. Hac pace Romani arbitri sortis Græcæ libertatis fuerant facti. Quid facilius scriptori rerum, quam hoc ipsum fœdus inspicere, ejusque leges cum fide in suam narrationem transferre? Contra vero egit Valerius Antias, aliaque omnia de hac pace retulit. \*) Laudat illum tamen, & ita corrigit Livius, quasi in re aliqua difficili explicatu & confirmatu, quasi in errore aliquo, e quo non facile emerferis, fuisset versatus. Nonne hoc aperte indicat, Romanis scriptoribus licuisse & de pace loqui, cujus leges in tabulario senatus asservatæ non inspexerint; Roma-

---

\*) l. 33. c. 29.

nis perinde quasi esse visum, num aliunde, quam ex vero fonte pacis leges memorent? Sic ipse Livius raro quidem, ipsa verba fœderum, cœterum sollicita adeo cum cura tamen argumenta eorum exponit, ut inde res gestas, quæ alias sine dubio oblitteratæ fuissent, repetat, earumque memoriam inde confirmet. \*)

Relationes in senatu a magistratibus vel urbanis vel provincialibus senatui propositas, decretaque super earum argumenta concepta, sine dubio asservata ad ærarium vel ad ædem nympharum exstabant, quamdiu res Romana libera stabat. Quod quidem insigne adjumentum historico, sedulo talia consulenti, ad constituendam historię veritatem esse debuisset. Jam circa res prisce Romæ Livius sæpe infert, relatum fuisse ad senatum Romanum de bello gesto a ducibus, relatum de triumphis; raro vero, & non nisi Punico secundo bello, mentio a Livio facta est relationum, in senatu de aliis rebus factarum. Num inde effici dicemus, ante hoc tempus nihil scripti de his rebus asservatum, vel si quid exstiterat, non fere consultum fuisse a scriptoribus ante nostrum res consignantibus. Vel Livio nostro post bella civilia non contigisse, reperire & eruere, vel non licuisse consulere vestigia libertatis patriciæ, quæ ex violentia conversionum servata passim exstabant? Nonnunquam tamen sententiarum & decretorum senatus memoriam ita infert, quasi quæ momentum in historia constituenda faciant. *Perusinorum casus obscurior fama est; quia nec ipsorum monumento ullo est illustratus, nec decreto Romanorum. \*\*)*

Insigne exemplum diligentię nobis exhibet, cujus laudem petit eo, quod non summam decreti in senatu concepti refert; neque minus orationes a se compositas, quasi quæ ex ore sententias dicentium fuerint profectæ, ad ingenii sui laudem, vel ad voluptatem legentium inserit: verum brevitate & gravitate senatoria prolata varias sententias ita reddit, ut memoriam rerum in eo senatu tractatarum presse sequutus, vel commentarios ante

---

\*) I. 2. c. 33. I. I. c. 24.

\*\*) I. 23. c. 20. cf. I. 25. c. 5.

ante oculos habuisse, vel acta a senatu inspexisse videatur. \*) Ita & *rogationes* nonnullas, inter quas & illam, qua mortuus P. Scipio fuerat incessitus, verba retinens presse est sequutus. \*\*) *Literarum* vel ad senatum ipsum datarum, vel quarum mentio in senatu fuerit facta, jam sæpius meminit. Sic medio bello Punico secundo *litteras Prætorum* ex Sicilia & Sardinia in senatu *recitatas*; sic de exceptis *Annibalis & Philippi literis*, cum cura iterum a consule *consignatis*, in senatu fuisse consultum & per-cunctionem ad earum ductum factam, memorat. \*\*\*) Sic ex Hispania a Scipionibus, ex Sicilia ab T. Otacilio Proprætore, indidem a M. Marcello; ex Gallia *lætarum* ob victoriam inperatam, ex Hispania *tristium* ob cladem sub Proconsule acceptam, tum T. Quintii Flaminini, ob victoriam de Philippo reportatam, non in senatu tantum, sed & in concionibus recitatarum meminit. \*\*\*\*) In tanta brevitate, quam retinens non nisi summam *litterarum*, & ea quæ cum ordine rerum gestarum a se descripto convenirent, refert, ex istis *litteris* non dijudicare datur, num ipse ullum earum *litterarum* exemplar unquam manu tenuerit, an ita scriptum a ducibus fuisse ex probabili, vel probata aliunde rerum serie collegerit, vel natura duce finxerit. Nonnunquam tamen discrepantiam aliquam *litterarum*, vulgo inde e castris ad familiares Romæ degentes datarum, a publicis ducum *litteris* refert. Copiosius immo de istarum argumento loquendo, & quanta auctoritas illis vel in senatu fuerit habita, commemorando, speciem quasi fert, se eorum notitiam accuratorem habuisse. An inde efficiatur, talium *litterarum* ævo auctoris adhuc exempla esse servata, alii viderint. Equidem non temere hoc contenderim, quamquam modo *litterarum* singulari cum

\*) l. 23. c. 20.

\*\*) l. 38. c. 54. Celebratæ illæ de lege Oppia orationes huc tamen ideo non referendæ, quoniam non verba oratorum illum tenuisse apparet.

\*\*\*) l. 23. c. 38.

\*\*\*\*) l. 23. c. 48. l. 28. c. 56. l. 25. c. 5. l. 32. c. 31.  
l. 33. c. 24. c. 25. l. 40. c. 43.

cum cura Romam transmissarum, ibique ita lectitarum meminerit, ut si argumentum uberius Livio, quasi epistolam ante oculos habenti, innotuerit. \*)

Senatusconsultorum vero passim sic meminit, ut multa eorum asservata diu, auctoritatisque causa saepe repetitam eorum postea in senatu memoriam, appareat. Ut senatusconsulti, fama & crebra mentione, celebratissimi, de Bacchanalibus non meminerim, aliorum \*\*) de rebus minus gravibus similiter memoriam esse perpetuatam constat. \*\*)

Orationes  
habita.

Orationes & a magistratibus habitae, & causae dictae multae sine dubio exstant. Neque illae quidem publice collectae, verum a curiosis, vel in gentium Romanarum scriniis asservatae, ita ut non difficile esset, illas inspicere. Livius, quippe qui Valerio Antiati crimen movet, quod neglecta lectione orationis priscae quidem, verum satis celebratae, aliud argumentum peregrisset, \*\*\*) sine dubio nobiliores orationes, quarum notitia ad eum pervenisset, legerat. Idque eum, qui tot orationibus historiam suam distingueret, quique in iis nativum cuiusque temporis, & quorumvis animorum sermonem sequi vellet, sedulo fecisse putamus. Probavit id quoque in causis & actionibus Petilliorum & Naviorum contra Scipiones; in Catonis variis actionibus, ut in L. Quinctium, & de pecunia regis Antiochi, aliisque bene multis. †) Neque tamen iis, quae ab oratoribus vel a causarum actoribus fuerant dictae, ita omnino fidem habuit, ut exceptione omni maiora fuisse significaret. Probe id tenuisse videtur, aliam esse adversarii, & litigatoris, qui qualem desiderat exitus, talem esse cupit rem, aliam testis fidem, qui rem qualem vidit, memorat: aliud esse oratorie, aliud pro auctoritate historiae scribere.

Si

\*) l. 41. c. 16. ibid. c. 20.

\*\*) libr. 39. ineunte.

\*\*\*) l. 40. c. 44.

\*\*\*\*) l. 39. c. 43.

†) l. 38. c. 54. l. 39. c. 42. 43. & c. 57.

Si quæ monumenta rerum gestarum in ædibus, columnis, Titulis, monumentis vel nominibus ex illo tempore loco cui nobilitate inditis, memoria posterorum fuerant reculta & servata, ea non dicam ubi vis, sæpe tamen accurate memorat. Eandem curam in nominibus constituendis, & in tribuendo cuique regioni vero situ adhibet, inde a priscis temporibus incipiens, \*) etiam in recentioribus, utut arma Romana exterarum regiones fuerant transgressa, simili sollicitudine delineationem propagat. \*\*)

Probe tenet, quæ vis argumento historico, ex monumentis in memoriam rei gestæ constructis, merito tribuatur. Neque obliviscitur, talia memorando animis lectorum ad antiquitatis priscæ venerationem, & ad fidem sic confirmatis rebus habendam, magnam quasi adhiberi vim. Hinc in rebus urbanis & domesticis, præprimis in antiquissimis quibusque, cum nominibus etiam situm, & ipsum nativum locum designare amat. \*\*\*)

Quæque suo vel patrum memoria vel eodem, quo antiquitus, vel variato nomine insignita ita existerint, ut prisci status memoriam renouent, ea in rebus uti gravissimis, sic omnino tenuibus, summo studio colligit, suæque narrationi inde fidem adstruere cupit. Sic locus, spoliis de Albanis trigeminis captis destinatus, ita consignatur, ut qui nunc *Pila Horatia* appelletur; sic jugum in piaculum Horatiæ a fratre cæli, *quod hodie quoque publice semper refectum maneat, sororii sigilli nomen ferre indicat; \*\*\*\*)* sic curiam aucto a rege Tullo senatu exstructam,

G 2

usque

---

\*) l. i. c. 30. quæ silva fuerit *multisosa* dicta; quæ *Ciminia*, *macri campi*, montes *Letum & Balista* in Ligurum agro l. 41. c. 22. Quam sollicitus fuit in via, qua Annibal, qua postea Amilcar, qua toties Gallorum tumultuariæ copiæ Alpes transcenderant!

\*\*) Sic Thermopylarum, sic Scodræ Illyricæ verum situm, sic Aonii saltus difficultatem, sic Hæmi montis prospectum, non tam animi, quam quidem res ibi gestas explicandi causa, in descriptione sua quasi depinxit.

\*\*\*) Quæ sedes *Murcia*, quæ *fossa Quiritium* l. i. c. 33. Qui circi locus, quæ rebus ad illum pertinentibus nomina indita l. i. c. 36. *Mucia præta* l. 2. c. 13. *Infelix* ab expeditione Fabiorum dicta *via* l. 2, c. 49.

\*\*\*\*) l. i. c. 26.



usque ad patrum ætatem *Hosiliam* appellatam; \*) sic ædes P. Valerii consulis antea in summa Velia institutas, in infimo postea *clivō*, ubi nunc *Vicepota* est, ædificatas; \*\*) sic urbe capta, a Flaminibus profugientibus sacra condita in doliolis sacello proximo ædibus Flaminis Quirinalis, ubi nunc *despui religio* est, esse defossa: \*\*\*) locum ubi nuper *Dianium* fuit, olim summum *Cyprium vicum* audivisse; \*\*\*\*) viam, cui olim *Ficulnensis* nomen fuerit, jam *Nomentanam* dici.

Ex titulis, quibus columnæ & monumenta fuerant inscripta, ut certioribus longe argumentis, fidem historiarum posse adstrui, non eum certe sefellit. Quod si non sæpius titulorum talium habuit rationem, illos vel defuisse, †) vel nimis difficile ingratumque Livio visum credamus, quo minus circa unamquamque rem gestam operam, quam plures iuncti sæpe ingratam repererunt, ingratissimam unus susciperet.

Pristini ævi res constituendo tamen *columnam æneam*, cui fœdus ab uno Sp. Cassio ictum insculptum sit, momento esse prodit, collegam ejus Postumum belli cum Volscis causâ absentem fuisse; alias totius hujus belli *memoria cessisset*. ††) Thoracem linteum, inque eo de Corn. Cossi spoliis opimis inscriptum titulum, ab Augusto esse visum, omittere, pro sacrilegio habet.

Nonnunquam tamen verba ipsa titulumque omnem insculpta columnæ, vel tabulæ publice fixæ, integra retulit. †††) Primo quum T. Quintius, Præneste in deditionem accepto, signum Jovis Imperatoris posuisset, subque eo tabulam fixisset. Iterum, quum tabulæ, in qua Ti. Sempronius Gracchus Sardinia insulæ formam,

atque

\*) l. 1. c. 30.

\*\*) l. 2. c. 7.

\*\*\*) l. 5. c. 40.

\*\*\*\*) l. 1. c. 48.

†) l. 25. c. 39. Monumentum Victoris L. Marci de Pœnis, in Capitolio olim fixum, clypeumque Marcium appellatum, cum imagine Asdrubalis ipse inspicere non potuit, cum incenso Capitolio petivisse indicet.

††) l. 2. c. 33.

†††) l. 4. c. 20.

atque simulacra pugnarum pingi curarat, mentionem facit. \*) Tertio, quum duplices tabulas ejusdem argumenti in *Larium Permarinorum*, & in *Jovis Capitolini* ædibus esse fixas memorat. \*\*)

Unum, quod nobis quidem pergrave fidei historicæ argumentum videtur, ut nec alii rerum auctores sic & ipse non in subsidiis constituendæ suæ historiæ habuit. Nunquam nummorum neque gentilium, neque Consularium, triumphaliumve meminit. Minusne talia auctoritatis tum habuerint, an nondum collecta usquam fuerint, quum sane vix dactyliotheacarum ipsarum nomen Romanis tum innotuisset, an operam talia exquirendi & nimis levem fructum promittere, & simul tædii nimis plenam esse putaverit, non constat. Id tantum apparet, illum nunquam ne memoriam quidem hujus adjumenti historici injecisse.

Operæ sane Livium pepercisse neminem, qui hæc, quæ adhuc adduximus, perpenderit, criminaturum puto. Neque solum in rebus momento suo gravissimis operam insumsit, neque in notissimis solum, ubi refellere errantem vel consulto fingentem facile fuisset; neque in talibus solum, quæ suavitæ suæ operam rependerent, quæ lectoris animum ipso argumento vel apta narratione, tenere poterant; verum etiam in minutissimis rebus. Ne ductus quidem literarum in antiquissimis nominibus negligit: Furios eosdem & Fusios olim scriptos, Veturium eundem etiam Vetustum forsan audivisse, ideo *admonet*, ne quis *immutationem virorum ipsorum, quæ nominum est, putet.* \*\*\*) In significatione vocabulorum priscorum, \*\*\*\*) in constituendis & definiendis rerum originibus, ultra quam expectari posse videtur,

---

\*) l. 6. c. 29. l. 40. c. 33.

\*\*) l. 40. c. 52.

\*\*\*) l. 3. c. 4. l. 3. c. 8.

\*\*\*\*) qui *subitarii* milites l. 3. c. 4. quæ *spectacula*, aliaque ad ludos pertinentia olim dicta fuerint l. 1. c. 36. Et sic per priores sex libros indefessa opera pergit. In rebus, per Græcos primum cognitis, etiam per omnes libros sic agit.

retur; fuit accuratus. Quæ quovis tempore ædes vel publicæ vel deorum, quæve alia ornamenta urbi accesserint, id a primo usque ad quadragesimum quintum librum ne unquam quidem omisit. In magistratibus, suo quemque anno, referendis, immo a quo cujusque anni comitia fuerint habita, etiamsi ad annum vel ad nomen constituendum nequaquam pertineat, nimium quantum tamen ubivis laborat. \*)

Sic per omnem historiam res, quas nequaquam splendescere posse sperabat, e. g. prodigia, aquas nimis auctas, annonam modo præter spem laxam, modo arctiorem, pestilentiam quamque, mortes Pontificum, utut hæc, vel ex annalibus aliorum, vel ex libris diurnis exquisierat, summa cum fide, vel sexcenties iisdem vocabulis annunciando repetit. Dolet modo, se non in omnibus ejusmodi rebus ad verum pervenire potuisse. \*\*) Quam, modo ingrediens historiam, providerat operam, ab ea nec in priscis, ubi difficillimus labor eum expectabat, nec in mediis & florentibus, nec in immensis jam per omnem orbem fuis Romanis & consiliis & rebus, unquam quid remisit. \*\*\*) Quoad in rebus urbanis & domesticis versaretur, nunquam videris, eum pertæsum esse hujus operæ. Neque diligentia in rebus peregrinis exponendis explicandisve defuit. Res Campanæ, \*\*\*\*) Hirpinæ, Brutiæ, †) Gallorum ††) & Pœnorum †††) ante bella cum Romanis suscepta, res Philippi Macedonis domesticæ, ††††) & Græcorum privatæ eadem fere accuratone illi narrantur, quam si ad

Ro-

---

\*) *Omnium prope annales* (quos igitur circa hanc rem omnes consuluerat) *Fabium dictatorem rem gessisse tradunt*. Ipse eum non dictatorem sed Prodictatore fuisse, exquisivisse sibi videtur.

\*\*) 1. 2. c. 40. *id publicum consilium, an muliebris timor fuerit, parum invenio*. Certe — cf. 1. 7. c. 6.

\*\*\*) 1. 1. præfat. *Facturusne opera pretium sim — nec satis scio; nec se sciam, dicere amsim*. — *Res est immensi operis*. cf. & præfationem libri 31.

\*\*\*\*) 1. 4. c. 44. 1. 23. c. 2. c. 3. c. 7. c. 15. c. 35.

†) 1. 23. c. 1. 1. 27. c. 15.

††) 1. 5. c. 17. 1. 5. c. 34.

†††) 1. 3. & 4.

††††) 1. 26. c. 25. 1. 27. c. 31. 1. 39. 1. 40. passim.

Romanos pertinuerint. Sensit tamen & confessus est, se opprimi fere hac ad peregrinos pertinente opera suscepta.

„Non operæ est persequi, ut quæque acta (in bello a Rhodiis, contra Antiochum vel Philippum pro Romanis, suscepto) in his locis sint, quum ad ea, quæ proprie Romani belli sunt, vix sufficiam.“ \*)

„Lycii quoque per idem tempus ab Rhodiis bello vexabantur. Sed externorum inter se bella, quo quæque modo gesta sunt, persequi non operæ est; satis superque oneris sustinenti res a populo Romano gestas scribere.“

Et si consideramus quantam, quam molestam, tardique plenam operam illi injunxerit unum illud officium consulendi auctores, qui ante eum res Romanas scripserant, non mirabimur, eum non tantum consulto exemisse complexum aliquem rerum externarum, quas describere noluerit; sed defecisse quoque nonnunquam in iis rebus, quas describendas sibi sumserat. Conferamus, si lubet, operam levem, qualis hodie, remotis tot difficultatibus, manet historicum, cum illa quæ Livio erat subeunda. Nostri rerum scriptores consultant tales ante se auctores, qui vera & certa artis critica præcepta fuerant sequuti, quique inter se vel vere antea dicta jam constituerant, vel falso credita exploserant. Adsunt exemplaria ad legendum, sine omni fere molestia, paratissima; adjuvant libri & segmenta bene & commode divisa, indices viam indicant, paginae quodvis viæ ineundæ spatium designant. Livio conquirenda erant ex familiarum scriniis, & literarum cujusdam domus umbra exemplaria. Si jam omnes esset nactus auctores, tum ad unamquamque rem constituendam ex integro quisque erat evolvendus. Nemo priorum auctorum alterum respexerat, nemo cum altero communicaverat; quisque, quasi solus scripisset, sibi tantum probata, non a pluribus perpensa in medium proferebat. Addeis operam evolvendi, requirendi notitiam ejus ipsius rei, ad quam nulla indicis significatio deducebat; nullum argumenti libro antepositi, nul-

\*) l. 33. c. 20.

\*\*) l. 41. c. 30.

capitum & distinctionum vestigium invitabat. Per indistincta voluminum, linearum, vocabulorum excutientis instar tibi erattenda via, aperiendæ locorum difficultates. Hæc impedimenta perquam gravia fuisse, ex querente Livio ipso percipiamus. Viderat errorem in Valerio Antiate ita manifestum, ita gravem, ut non posset non indignari, lectores adeo nullius iudicii fuisse vi-  
 sos scribenti. Cui vero irasceretur merito, nesciebat, scriptorine qui alias referre vera non magis quam mentiri invisæ calleret, an librario, cujus manus hic aberrasset. \*) At forsân aliud exemplar, non ab ejusdem librarii levi opera profectum, inspicere poterat! Plura non ad manus erant; occasio modo, modo tempus, modo & patientia deerant, plura vetusta vel neglecta exempla consulendi. Ex ductu literarum inelegantium, & prisca sua forma repellentium in quacunque re minuta divinare potius jubebaris, quam ad facilem per lucidas formas & distinctas lineas cursum invitabaris. Et sic in multis historiarum partibus non est, quod eum accusemus, sitædio ipso & opera sæpe infelici fuit deteritus. Miremur potius, eum id præstitisse, quod ante eum unus forsân Varro præstare inquirendo potuisset, qui vero idem rebus ornandis impar, amplitudinem rerum simul & expectationem lectorum destituisse.

In confirmandis vel explicandis rebus gestis semper naturæ hominum habuit rationem. \*\*) Neque nimis perversos, neque ultra humanam magnitudinem elatos, eos fingere amat. Appium libidini suæ & sceleri, eique decreto, quo Virginiam servituti & suæ cupiditati addiceret, aliquam saltem vel miseram vel fictam causam addidisse, erat probabile, Livius ideo adjicit: \*\*\*)

„Quem decreto sermonem prætenderit, forsân aliquem verum auctores antiqui tradiderint, *quia nusquam ullum in tanta fœditate decreti verisimilem invenio*; id quod constat, *nudum videtur*

\*) l. 38. c. 56.

\*\*) Livium & multo studio & experientia doctum naturam cognovisse, ex sensu ejus, innumeris & sententiis & decretis manifestato, post hæc probatum ibimus.

\*\*\*) l. 3. c. 47.

*videtur proponendum*, Decresse vindicias secundum servitutem. Primo stupor omnes admiratione rei tam atrocis defixit, silentium inde aliquamdiu tenuit. “

Attalum quem Græci fere omnes regni adeo cupidum fingunt, ut in locum & thalamum fratris, fallō pro mortuo habiti quomodo succederes, posthabito pudore festinarit, Livius non adeo temere agentem; neque vero Eumenem adeo lentum describit. \*) De Horatiis duobus contra, eorumque elato supra res humanas animo, levem, sibi que relictam famam timide affert, quam alii maxima cum fiducia, ut omni auctoritate nixam proposuerant. De Coclite, cujus fortitudinem in dubium vocare Romano quasi religioni fuisset, ipse tamen dubitare audet, adjiciens: *remansus plus famæ habituram ad posteros, quam fidei.* \*\*) De Consule Horatio, cui forte evenerat, templum Jovis Capitolini dedicare, exponenda quidem & nostro est fabula, eum ne morte quidem inopinata filii interpellari se sivilse. Ceterum ei, qui naturam-humanam respicit, non facile iri persuasum significat. Perire Romanæ civitati eximii roboris exemplum mavult, quam factum asserere, quod, supra sensum humanum, forte doctioribus videatur. \*\*\*)

„Ægrius, quam dignum erat, tulere Valerii necessari dedicationem tam incliti templi Horatio datam; id omnibus modis impedire conati; postquam alia frustra tentata erant; postem jam tenenti consuli, fœdum inter precationem Deum nuncium incutiunt: mortuum ejus filium esse, funestaque familia dedicare eum templum non posse. Non crediderit factum; an tantum animo roboris fuerit; *nec traditur certum, nec interpretatio est facilis.* Nihil aliud ad eum nuncium a proposito aversus, quam ut cadaver efferrī juberet, tenens postem, precationem peragit, & dedicat templum. “

Ex.

---

\*) l. 42. c. 16. l. 45. c. 19. 20.

\*\*) l. 2. c. 10.

\*\*\*) l. 2. c. 8.

Ex sensu, quem ipse habuerit, sensum lectorum praesumit. Fingit enim sibi lectorem prudentem, naturae rerum & ejus quod probabile videatur, rationem habentem; & cui nihil, quod contra naturam sit, persuaderi posse videatur. Occurrit igitur ejus dubiis, & quae ipse rectius & acutius mente praesumerit, ea intelligens intelligentem lectorem in sua luce exposita videre velir. \*)

„Non dubito praeter satietatem tot jam libris assidua bella cum Volscis gesta legentibus, illud quoque succursurum (quod mihi percententi propiores temporibus horum rerum auctores miraculo fuit) unde toties victis Volscis & Aequis suffecerint milites: quod quum ab antiquis tacitum praetermissumque sit, cuius tandem ego rei praeter opinionem, quae sua cuique conjectanti esse potest, auctor sim?

Testimoniis ipsis, etiamsi iisdem non fere fidem denegat, postpositis, nonnunquam rationi solum obsequitur, prout meditantem de re gesta, deque factis hominum ducebat. Rationem trajiciendorum ab Annibale elephantorum, quum ad Rhodanum pervenisset, primo testimoniis variis propositis, non a se probatam affert. Tum addit: *Ceterum magis constat ratibus trajectos: id, ut tutius consilium ante rem foret; ita acta re, ad fidem pronius est.* \*\*)

Probabilitati rei ita adungere mentem suam amat, ut quae verisimilia maxime sint, nonnunquam iis anteponat, quae auctor minus ad omnia respiciens, etiamsi rebus ipsis interfuerit, fuerat testatus. \*\*\*) Si auctor alias gravis, natura rerum non confiderata, difficultates a flumine lato & rapido oppositas victori exercitui, nimis facili negotio superatas profert, Livius e contrario auctoritatem rationis & naturae potiore proponit: *Ea peritis annis ejus vix fidem fecerint.* \*\*\*\*) Contra praeceps annales, qui naturam alius fluminis, ut a veteribus fuerat descripta, posthabuerant,

---

\*) l. 6. c. 12. cf. & l. 43. c. 15. quid ipse de prodigiis sentiat.

\*\*) l. 21. c. 28.

\*\*\*) l. 21. c. 38.

\*\*\*\*) l. 21. c. 47.

buerant, & majora, quam quæ credi possent, in gloriam Romanorum prædicaverant, Livius satis habet adjecisse: *rem æque difficilem atque incredibilem in majus (ut fit) celebrantes, victorie navalis (quippe raræ) vanum titulum apperivere.* \*)

Ubicunque natura regionum accurate indicata dubia tollere, ubi delineatio aliquid explicare, & lectores in rem quasi præsentem transferre potest, Livius sane claræ expositioni, lectorumque suavitati nunquam ita deest, quin singulari opera res ipsas, quasi in qua tabula pictas, oculis legentium subjiciat. \*\*)

Sic in genere in rebus miraculo similibus referendis naturam, & id quod ad fidem & persuasionem referri posset, potius sequitur, quam nova, & indicta aliis, vel amplitudine sua & magnificentia stuporem injectura. Neque illi aliam ullam ob rem Valerius Antias tam odio est, quam quod extraordinaria & mira quæque veris præfert, & miracula rerum captat.

Livius quidem neque in antiquissimis rebus memorandis, neque in recentiori quidem ævo describendo, supersedere potest miraculorum commemoratione. Nam id fuisset Romanum exuere; & quæ, antiquitatis propria erant antiquis rebus detrachere. Contra religionem porro simul & contra fidem auctoris rerum, suspicionem movisset. In ipsis originibus urbis commemorandis, \*\*\*) in rerum multarum initiis ex obscuritate protrahendis \*\*\*\*) nostrum pudentio rem, longeque rationis & veritatis rigidio rem affecclam videbimus, quam plerosque alios.

## I 2

## De

\*) l. 4. c. 34.

\*\*) Ex quam plurimis passim injectis delineationibus, hic modo in Italia itinerum Hannibalis, unius per Alpes l. 21. c. 18. alterius ex Campania ad urbem l. 26. c. 11. Præ aliis exterarum regionum descriptionibus, supra memoratis, modo saltum illum descriptum memorabimus, per quem Q. Marcius Philippus in Macedoniam pervenerat l. 44. c. 2.

\*\*\*) l. 1. c. 3. *Julum* quidem, quem *Julia gens auctorem nominis sui nuncupat*, in honorem Juliorum narrationi suæ intexit, addit vero: *quis rem tam veterem pro certa affirmet?*

\*\*\*\*) *Martem stirpis incertæ patrem nuncupat, quia Deus culpæ auctor bonior Rhea Silvia* erat. l. 1. c. 4. Et sic alia fere omnia.

\*) l. 1. c. 8. *me baud pœnitet eorum sententiæ esse*, qui non ex augurio numorum licitorum duodecim deducunt, verum ex Hetruria arcessunt.



De Servio Tullio puero *eorum magis fementiæ est*, qui veritati propiora tradunt. \*) D. Sp. Tarpeji filia, quum varias auctorum relationes attulisset, de ea, quæ rem miraculo proximam efficeret, *additur*, inquit, *fabula.* \*\*) Eandem & de Junone Regina a victoribus Romanis interrogata: *visne Romam ire?* & *se* quidem *velle* vel annuente, vel respondente ab impudentioribus historicis *inde fabule adjectum esse* prodit. \*\*\*) Quod talem notam aperte fictis fabulis non ubivis adjecerit, id ratio repetendæ, & sæpius præ se ferendæ, indignationis eum fecisse putes. Ubi causa aliqua ex miraculo petita, rebus certis vel probabilibus saltém, ab aliis affingitur, ipsè nisi proxima, at propiora tamen naturæ subministrare solet. \*\*\*\*)

Miracula porro nonnunquam veritati ipsi opponit: *veræ gloriæ ejus etiam miracula addunt.* †) *Inde locum fabulæ ac miraculo datum.* ††) *Hæc ad ostentationem scienæ gaudentis miraculis aptiora, quam ad fidem, neque affirmare, neque refellere operæ pretium est.* †††) Populum victorem & dominum aliarum gentium eo aliis *imperasse*, quod *diis se minorem* gereret, non poëta magis unus cecinit, quam & plebs & optimates & populus omnis omnium sæculorum, perhibuit, & grata piaque mente semper recoluit. Qui auspicia contemneret, eum vindicta numinis dignum omnes ducere. Neque noster auspiciorum, ne prodigiorum quidem neglectorum crimen incurrere velle. Cautiores tamen suos lectores reddere vult; excitare eos, ut circumspiciant, ut dijudicent, ut fraudem, ut temere dicta, a rite traditis secernant; ut rationem & judicium ad-

---

\*) l. i. c. 39.

\*\*) l. i. c. 11.

\*\*\* l. i. c. 25. cf. l. 25 c. 39.

\*\*\*\*) l. 6. c. 33. *Inde eos nec sua religio arcuisse* dicitur, aliisquidem, non Livio l. 42. c. 29. *Dicitur caput humanum inventum* l. i. c. 55. Q. Ennius Flaccus, flagitiosus sane, laqueo vitam finivit: *Erat opinio* (sine dubio & Livii) *minus compotem fuisse shi* „vulgo Junonis ira mentem ejus alienatam.“

†) l. 25. c. 29.

††) l. i. c. 4.

†††) l. 5. c. 21.

adhibeant, quæque ex sanæ mentis & rationis scrutinio reprobari debeant, reprobent. Verbo, quæ naturæ repugnent, de iis dubitare quemque prudentem vel finit, vel exemplo suo monet, vel aperte jubet. De numero licitorum non ex augurio, verum ex urbium Hetruscarum numero derivando, supra jam vidimus. \*)

„Inter principia condendi hujus operis, movisse numen ad indicandam tanti imperii molem *traditur* Deos. Nam quum omnium facellorum *exaugurationes* *admitterent aves*, in *Termini fano* non addixere. Idque omen, *auguriumque* ita acceptum est, non *moram*. *Termini* sedem, unumque eum Deorum non evocatum sacratis sibi finibus, firma stabiliaque cuncta portendere.“\*\*)

Iudicium tandem Livianum, occasione Camilli, post devotionem capitis sui, corruentis, de divinationibus omnibus prolatum, sane, ne philosophum quidem nostri ævi, dedecuiſſet. „Dicitur Camillus manus ad cælum tollens precatus esse, at si cui Deorum hominumque nimia sua fortuna populique Romani videretur, ut eam invidiam lenire suo privato incommodo, quam minimo publico populi Romani liceret. Convertentem se inter hanc venerationem *traditur* memoriz, prolapsus cecidisse: *idque omen pertinuisse postea eventu rem conjectantibus visum*. ad damnationem ipsius Camilli; capite deinde urbis Romanæ, quod post paucos accidit annos, cladem.\*\*\*)

Livium non profus sensum Romanum exuere potuisse, censebimus, si æqui esse, & quæ a natura quasi, ab educatione, ab iis quæ primum vidimus & perpetuo audivimus, candori mentis impedimenta obstant, considerare voluerimus. Eum iniquum nonnunquam contra libertatem aliorum populorum fuisse, ita ut non viderit,\*\*\*\*) ea, quæ Rhodii in senatu proposuerint, non quidem sine magniloquentia, si quid reprehendere

VO-

\*) p. 35.

\*\*) l. 1. c. 55.

\*\*\*) l. 5. c. 21.

\*\*\*\*) l. 44. c. 14. Ne nunc quidem hac sine indignatione legi audire possit certum habeo.

volumus, veruntamen cum magno liberoque animo esse pronuntiata. Ut non viderit, Romanos imperatores, eosque optimos, nec P. Scipione, nec M. Catone, neque vero P. Aemilio exceptis, fuisse crudeles, dum in devicta gente, urbes, armis abjectis, in deditionem receptas, agrumque non vi neque minis, sed voluntate incolarum Romanum factum, exercitui per aliquot dies diripienda dederint. \*) Ut non viderit, Romanam civitatem in optimos nobissimosque cives, sæpe non minus ingrati crulemque se manifestasse, quam ab ejusdem populi scriptoribus humanissimis, Athenienses fuisse accusantur. \*\*)

Neque vero civem prorsus exuere poterat, dum ad fidem historicam alicui facto confirmandam, sufficere putet, ut Augustus, at qui arbiter in rebus criticis iisque obscurissimis! se quid vidisse contendat. \*\*\*) Ut dandum aliquid antiquitati Romanæ, quo augustior videatur, ut magnitudinē ejus & sanctitati ea tribuenda putet, quæ minoribus civitatibus non immerito denegentur. \*\*\*\*) Si ab hoc humano, modico partium civilium studio discefferis, cui tamen ipsi majus & acrius veritatis studium imperitabat, fatendum omnino est, Livium ubivis, etiam in rebus, quæ Romanis non gloriæ verterentur, *voluisse vere scribere*. Cujus assertionis si præter ea argumenta, quæ alibi, & supra commemorata sunt, alia desideres, & prisce temporis descriptio, & florentium rerum Romanarum narratio, in quavis pagina, æquo lectori talia suggerent. †)

Neque

\*) Ut recentissimum exemplum, quum alia celebratiora sint, referam l. 44. c. 45. P. Aemilius equitibus (qui nihil in pugna contra Perseum perpetraverant) *prædam circumjecti agri, dum ne amplius duobus noctibus a castris abessent*, concessisse. cf. de sensu auctoris l. 32. c. 27. l. 45. c. 32. c. 34.

\*\*) c. g. de carcere L. Scipioni inter fures & latrones destinato, *ut in robore & senectute exspiraret, deinde nudus projiceretur*. l. 36. c. 59. cf. l. 45. c. 38.

\*\*\*) l. 4. c. 20.

\*\*\*\*) l. 1. præfat. *Datur hac venia antiquitati — tam & hoc gentes humane patientur æquo animo, quam imperium patiuntur*. En conclusio- nem non ex fide historica, verum ex partium Romanarum studio, sensu & voto!

†) l. 1. præfat. l. 1. c. 16. de Romulo discerpto a Patribus l. 3. c. 5. *difficile ad fidem* l. 23. c. 16. *Vix equidem ausim*. —

Neque vero nescivit, quæ ad crisin historicam recte requirerentur. *In rebus tam antiquis, ut aliquid tamen constituas, quæ similia veri sunt, pro veris accipiantur.* \*) In dubiis, & circa quæ auctores extrema quæque sequuntur: *si aliquibus assentiri necesse est; media simillima veris sunt.* \*\*) *Ubi in diversum auctores trahunt, modo plures, modo propiores ætate memoriæ rerum sequaris.* \*\*\*) Neque hæc præcepta critica magis descripsit, quam in opere suo adhibuit. Quod, ut aliquot exemplis exstantioribus, hic adstructum dem, in testium explorationem & dijudicationem, etiam si auctores ante se omnes consentientes vidisset, circa Cor. Cossi spolia opima! \*\*\*\*) Vim præterea verborum priscorum, eorumque interpretationem, per viros consultißimos intelligentesque datam, in argumentum rei prisce advocavit: †) ex situ regionum, ex statu quo tum, quum res ageretur, & loca & gentes conspicerentur, eque vestigiis inde remanentibus accurate perpensis; doctior ipse nonnunquam testibus antiquioribus factus, certiorẽ fecit lectorem. ††) Ratione habita rerum & personarum antiquarum, uti auctorem, quippe prudentem & rerum humanarum gnarum, ubivis scripsisse ex tota narratione constat, sic data opera id nonnunquam, adductis omnibus rationibus cumque lectore communicatis, fecisse ex pluribus locis conspicuum est. †††)

Sic considerando res externas, ponderando argumenta, dijudicando testimonia, perpendendo animum & fidem cujusque ante se auctoris, comparando inter se varia narrationum, reliqua vestigiorum, conservata & tradita famæ constantis, eo perspicaciz pervenit, ut *sensum veri* sibi ipsi tribuere, idque tandem tuto sequi posset, quo, posthabitis auctoritatibus, animus factus & exercitatus ad recipiendam veritatis lucem, duceret. Sic sæpe

K 2

con-

\*) l. 5. c. 21.

\*\*) l. 26. c. 49.

\*\*\*) l. 25. c. 11.

\*\*\*\*) l. 4. c. 20.

†) l. 3. c. 55.

††) l. 21. c. 38. l. 25. c. 11.

†††) l. 2. c. 18. l. 5. c. 33. l. 11. c. 29.

confessus est, se adductum, sensu quippe quodam interno, cujus rationem sentire, minus vero reddere posset, credere; \*) animum inclinare, ut ex pluribus hoc potissimum sequatur; \*\*) esse quæ animum inclinent, ut credat ipse; \*\*\*) aperte tandem hoc uno certo internoque veri sensu ductus, auctores, quos non ubivis leves habet, relinquit, & ne refutatis quidem, longè alia refert. \*\*\*\*)

Sic adeo in rebus, haudquaquam relatu scriptoribus facilibus, modo se sibi credere, innuit; †) modo sibi non magis licere decedere a vulgo dictis, quam libere: ††) Sese etiamsi aliqua ad rem pertinentia acceperit, etiamsi alia non tradantur, tamen conjicere; †††) idque a se, contra omnium propè annales, contra Cælum, obstinate suam expositionem defendentem, contra titulos imaginum, quippe a posteris auctos, factum sateri sustinet. ††††)

Tam certa sui, & secunda mente apparuit Livius, ut, quam nulla, quo minus ad verum perveniretur, impedimenta illum fallerent, tamen exercitata omni explorationis, percontationis & scrutinii genere, speraret, se opus perfecturum, quod non ut Xenophontis Cyropædia exemplar constituendi regni, coaptandæque simul historiz esset, verum imaginem certis lineamentis, nativoque colore conspicuam, nascentis, florentis, & decrepantis sensim rei publicæ oculis æqualium & posterorum offerret.

\*) l. 2. c. 18.

\*\*) l. 1. c. 24.

\*\*\*) l. 29. c. 29. c. 33.

\*\*\*\*) l. 28. c. 46.

†) l. 1. c. 60.

††) l. 4. c. 29.

†††) l. 3. c. 70.

††††) l. 22. c. 31. 32.

## Errata.

p. 8. lin. 7. lege 585.

p. 8. notæ primæ adde numeros l. 45. c. 40. c. 43.

p. 12. lin. 12. pro & ne semel quidem, legas: Et semel tantum l. 45. c. 25.

& ibid. l. 14. pro unquam, legas: usquam alias.

p. 15. l. 7. pro pertinentes: legas: pertinentibus.

p. 15. l. 7. post vocem magistratus lege vel ad urbem & in nota ad hæc verba adde numerum l. 45. c. 44.

